



UNIVERSITÄTS-  
BIBLIOTHEK  
PADERBORN

**R. P. Lvcæ Pinelli Societatis Iesv, Theologi, Exercitia  
Spiritualia Qvadragesima, De Sacrosancto Eucharistiæ  
Sacramento**

**Pinelli, Luca**

**Coloniae, 1608**

Oratio Ad Gloriosissimam Virginem Mariam.

---

[urn:nbn:de:hbz:466:1-59691](https://nbn-resolving.org/urn:nbn:de:hbz:466:1-59691)

ORATIO AD GLORI-  
OSISSIMAM VIRGINEM  
MARIAM.

SERENISSIMA Coeli Regina, Mater  
vniigeniti DEI Patris filij, sacrarium  
spiritus sancti, MARIA virgo purissi-  
ma, gratia plena, super omnes mulieres be-  
nedicta, saluto, laudo, & veneror beatissi-  
ma viscera tua, quæ fructum vitæ per quæ  
toti mundo salus & benedictio aduenit,  
produxerunt.

Et quamuis verè agnoscam me indignū  
esse, qui tuas laudes prædicem, aut coram  
oculis tuis comparem, quia in peccatis  
conceptus & educatus sum: agnosco nihil-  
ominus tua pietate dignum esse non as-  
pernari peccatores, pro quorum reconcili-  
atione in talis filij Matrem electa fuisti:  
Scio etiam te licet ad summam hanc dig-  
nitatem sublimata sis, antiquam nihilo-  
minus humilitatem & benignitatem, qua  
omnibus clemens & propitia es, non de-  
posuisse: Ac proinde quemadmodum ad te  
confugiunt peccatores, velut ad mediatri-  
cem, & miseri veluti ad misericordiæ Ma-  
trem, ita & ego qui omnibus miserior &  
sceleratior sum, ad te venio.

Ad

## AD B. VIRGINEM.

13

Ad quem enim securius confugiam quam ad te, quæ super omnes Angelorum & Beatorum choros exaltata es, & post filium tuum Dominum nostrum, altissimam in cœlesti aula sedem obtines?

In quem certius fiduciam meam collocem, quam in te, quæ peccatorum es aduocata, & Luna splendens tenebras nostræ noctis illuminans? Quis me maioribus beneficijs ornabit quam tu, quæ es Cœli porta, cuius orationes tam gratae atque acceptæ sunt diuino conspectui, vt quilibet etiam impetrare possis: Quapropter, o pia Mater, consolatrix nostra tibi me commendo, atque ad sanctissimos pedes tuos aduolutus, tuam piam imploro clementiam: noli me indignissimum peccatorem deserere virgo sacratissima: quia nemo te inuocauit & repulsus est; nemo in te sperauit & confusus est. Conuerte ad me illos tuos misericordes oculos, quæ merito comparantur piscinis Hesebon, quia quemadmodum illis nunquam defuit aqua: ita pijs oculis tuis nunquam deest misericordia, & miseriarum nostrarum compassio: vt de te rectius dici possit quam de lobo, quod ab infantia tecum creuerit miseratio, & de matris utero tecum egressa fuerit.

cc 3

Inclina.

Inclina, benignissima Virgo, aures tuas pietatis ad orationem afflicti serui tui: & aspice tribulationes & ærumnas quas patior: quibus si vis certus sum, te nullo negotio medelam facere posse. Ego quidem indignitatem meam, & quam tibi dissimilis sim agnosco: quia tu es tota sancta, tota gratiosa, tota pulchra, & macula non est in te, ego verò sum peccator, totus miser, totus in peccatis natus, totus sordidus & execrabilis: nihilominus quanto maior est vilitas mea, tanto clarius ex mei susceptione elucescet humilitas tua: & quanto maiora sunt vulnera mea, tanto manifestior erit in mei curatione potentia & misericordia tua. Quare, dulcissima Virgo, *Monstra te esse Matrem, insende in adiutorium meum*, & noli mihi denegare, quod illis, qui se tibi pia deuotione commendant, concedere solita es.

Recordare, gloriofa virgo, quam gloriofa dicta fuerint de te & facta per te, quia quae de te prædicta & præfigurata fuerant, opere adimplesti.

Tu es speciosa & pia illa virgo per Rebeccam figurata, quæ aquam præbuit, non tantum seruo Abrahami petenti, sed etiam camelle.

AD B. VIRGINEM.

95

camelis eius: quod tu perfectius agis, quæ non es contenta iustos, qui sunt homines secundum rationem viuentes beneficijs decorare, sed etiam peccatores, qui instar gibbosorum camelorum, à concupiscentijs suis superari se patiuntur; quibus tu aquam diuinæ gratiæ impertias; cuius vt me quoque indignissimum tua intercessione participem facias supplex rogo.

Tu es Regina illa per Hester pulcherrimam figurata, cuius intercessione, Rex Assuerus illis quos ad mortem condemnauerat, vitam largitus est: sic & tu speciosissima, & clarissima in oculis summi Regis Regum existens, multis qui propter scelera sua æternam damnationem mereantur, tuis precibus immortalem vitam obtines: intra quorum numerum, vt me quoq; qui æterna morte dignissimus sum, admittas humiliter oro.

Tu es figurata per prudentem illam Abigail, quæ Dauidem de tota domo ipsius se vlcisci patrantem prohibuit: quod & tu sæpenumero, tua prudentia & gratia facis, impetrando ne Deus in nos iuxta multitudinem & grauatatem scelerum nostrorum animaduertat: quod ego à te spero.

calius flagito, qui me cæteris omnibus ea gratia indigentiorum agnosco,

Tu es melior Iudith: tu gloria IERUSALEM, non modo terrenæ, sed etiam cœlestis. Tu lætitia non tantum populi tui Israhel, sed etiam Angelorum. Tu honor populi Christiani. Tu denique virgo excellentissima, sola omnium fœminarum quæ te præcesserunt, teque præfigurant perfectionem & excellentiam superas, quia omnes gratiæ, quæ alijs per partes collatæ sunt, tibi soli cum maiori plenitudine simul fuerunt infusæ. Itaque aliarum fœminarum nulla est, quæ tibi comparari possit. Angelos puritate, & omnes Sanctos perfectione atque sanctitate vincis. Quandoquidem ergo sanctior & gratiosior es, quam vlla possit lingua profari, fac, vt tantarum diuitiarum & donorum quibus decorata es, aliqua ad me pars pertineat: vt ex paupertate ac miseria in qua versor, emergam.

Aspice, oro, mæsta suspiria mea & continuos gemitus afflictæ cordis mei, propter acerbas illas lachrymas quas magno cum animi tui dolore profudisti: quando amantissimum filium tuum cruci affixum, inter latrones pendentem, & pretiosissimum sanguinem cum immanissimis cruciati-

ciatibus profundentem conspexisti: & propter amarissimam passionem & mortem ipsius, quæ animam tuam sanctissimam dolore penetravit: propter hæc inquam te obtestor, impetra miserę vitę meæ aliquod refrigerium, quæ inter tot afflictiones deficit.

*Letifica* ô lætitiâ Angelorum, *animam serâ*  
*si tu, sonet vox tua dulcis in auribus meis*, vt per  
illam conforter, viuificer, & incipiam can-  
rare canticum nouum in laudẽ tuã, enume-  
rando misericordias tuas, & te sine fine cū  
cūctis generationibus quæ te beatam pro-  
tunciant, benedicendõ: cuius inæstima-  
bilis gloria & beatitudo, permanebit  
in Cœlo & in terra per omnia

secula seculorum.

Amen.

F I N I S.

cc. 5

R. P.